



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

32 Irregularitatem incurrit homicida, & mutilans quocunque casu, etiam
vim vi repellendo Concilij Trid. decreto.

urn:nbn:de:hbz:466:1-10316

Navar. in d. cap. 27. num. 107. Et hanc esse communem Theologorum, & aliorum doctorum opinionem, probat Greg. Sayr, in dict. cap. 15. num. 6.

26 Hæc autem irregularitas contrahitur per quodcumque homicidium, & cuiuscunque personæ membri mutilationem, etiam sarraceni, pagani, banniti, vel excommunicati, ut cap. clericum 50, distinct. cap. penult. de homicid. & Navar, d. cap. 27. num. 210.

27 Et sufficit, quod quis occidat foetum animatum in utero matris ad irregularitatem incurrendam, qui, si masculus, est, intra quadragesimum, & si foemina intra octogesimum diem solet animari, gloss. fin. in cap. 1. distinct. 5. Navar. eod. cap. 27. num. 223. & Covar. in 3. par. 2. par. relect. §. tertius qui, incip. undecimo. num. 1. circa med. & Gregor. Sayr. in cap. 1. num. 3. lib. 6. par. 1.

Et in dubio, an occiderit foetum animatum, vel inanimatum, tutior pars est putare foetum fuisse animatum, & dispensationem ad cautelam obtinere, cap. significasti, junct. gloss. in ver. ad cautelam, de homicid.

29 Qui etiam, vim vi repellendo committit homicidium, cum moderamine tamen inculpatæ tutelæ non incurrit irregularitatem; per clem. vnic. de homicid. & ibi Covar. in tertia parte, sub titulo de homicidiis 3. part. relect. §. vnic. num. 2. & num. 3. Navar. in eod. c. 27. num. 211. & Gregor. Sayr. qui hanc dicit communem omnium sententiam, in cap. 17. num. 1. eod. lib. 6. & ita fuit à Sacra Congreg. Conc. decisam super cap. 7. de reform. sess. 14. dummodò non sit in aliqua culpa.

Qui ad sui defensionem homicidium committit, ut non incurrat irregularitatem, requiritur, quod careret omni culpa, non daret operam rei illicitæ, & aliter mortem evitare non potuerit: quia inangulatus erat, vel sic arctatus, quod fugere, nec se juvare clamore, vel aliter poterat.

Et in foro contentioso, si de hoc dubitaretur, ei non crederetur, sed per circumstantias occurrentes hoc esset judicandum capitulo significasti, il. 2. §. quod si discerni, de homicid. licet in foro pœnitentiæ asserenti crederetur, ut per gloss. in eadem clement. vnic. in ver. non valens. In quo procedit communis opinio relata per Sayr. in Thesaur. cas. consc. loco supra citato.

30 Quinimò et præsumitur in dubio contra occisorem, ut per Abb. in eadem clement. vnic. de homicidio. num. 5. & Barr. in l. Aurelius, §. idem quesit, num. 2. ff. de liberat. leg.

Et quia tali casu quando homicidium non ex proposito, sed casu, vel vim vi repellendo, ut, qui se à morte defenderet, narratur fuisse commissum, quam ob causam etiam ad sacrorum ordinum, & altaris ministerium, et beneficia quæcumque, ac dignitates jure quodammodo dispensatio debetur, committenda est Ordinario, aut ex causa metropolitano, seu viciniore Episcopo, qui non, nisi causa cognita, & probatis precibus, ac narratis, nec aliter, possit dispensare; ut per concil. Tridentin. cap. 7. de reform. sess. 14.

Quo concilii decreto jure novo et videtur, etiam vim vi repellendo, homicidam pœnam irregularitatis incurere: quia decreta ejusdem

Aaaa dem

dem sacri concilij fuerunt auctoritate Apostolica confirmata, & observari mandata; ac ¶ universis inhiberetur, ne commentarios, glossas, ullumve omnino interpretationis genus super ipsius concilij decretis quocunque modo sub censuris, & pœnis edere præsumant, ut in Bulla confirmationis ejusdem concilij dat. Roma anno 1563. in fine concilij impressa, & dictis decretis, & legibus novis abrogantur antiqua contrarium disponen-

34 Quia ¶ Ecclesia semel à se concessa potest, vel pietatis, vel necessitatis intuitu in totum, vel in partem commutare, c. postea, quàm s. h. i. a. 25. qu. 2.

Quòdque dispositio sacri concilij procedat in quocunque homicidio, etiam vim vi repellendo, commisso contra clement. unic. de homicid. tenuit Simon. Mayol. Asten. qui fuit Episcopus Vulturariensis, & decessit in Urbe Secretarius Apostolicus de anno 1601. vir eminentis doctrinæ, ut plura ejus opera testantur, pius, & timorata conscientia adco, quòd cum posset consanguineos ditare, noluit, sed opulentum spolum camerae Apostolicæ reliquit. in suo tractatu de irregularitate, lib. 1. c. 2. nu. 10. & vigesima, & lib. 5. c. 48. num. 10. & num. 11.

35 Comprobatu ¶ dicta opinio validissimo argumento, nempe, quia, ubicunque agitur de homicidio, seu mutilatione etiam ad necessariam defensionem, clerici, aliæque ecclesiasticæ personæ timoratae conscientia à Sede Apostolica obtinent dispensationes, quæ ad formam dicti c. 7. de reformat. Ordinariis locorum committuntur.

Et est ratio, quia, ut quis cesset à divinis,

potius debet judicari irregularis, quàm non: quia ubi majus periculum, ibi cautius est consulendum, cap. ubi periculum, de elect. in 6. & in terminis Lambert. de jur. patr. par. 1. lib. 2. art. 4. quæst. 4. princip. num. 8.

36 ¶ Et stylus curiæ Romanæ facit jus, c. ex litteris, & ibi Felyn. nu. 4. de const. Rot. decis. 1. post. med. de s. presby. in nov. & Lap. alleg. 33. nu. 4.

37 Pro ¶ interpretatione autem statuti ecclesiastici recurritur, primò ad jus canonicum, secundò ad stylum curiæ, Abbi. in eodem, cap. ex litteris, & Felyn. in eodem numer. 4.

Et pro opinionibus reconciliandis tres casus sunt considerandi.

Primus, si homicidium commissum sit publicum, ita quòd homicida se celare non possit, & cum scandalo fuit commissum: eo casu opinio Majoli est vera, quòd propter scandalum publicum, in foro exteriori teneantur necesse sit obtinere dispensationem ab homicidio, & irregularitate à Papa, quæ committi solet ad formam ejusdem c. 7. sess. 14.

38 ¶ Quia solùm scandalum reddit homicidium irregulare, ut in c. ex litteris, il. i. ubi etiam gloss. in verb. scandalum, & ibi Felyn. numer. 2. & melius in c. sicut dignum, s. illi etiam, numer. 2. vers. tertio solùm de homicid.

Si verò ad necessariam defensionem cum moderamine inculpatae tutelæ, omnibus illicitis cessantibus; tunc non incurritur irregularitas ex allegatis supra num. 29. quia cessat etiam scandalum.

39 Secundus, ¶ si homicidium ad defensionem fuit commissum nocturno, aut alio tempore, nullis præsentibus, vel taliter,